

丑 3

4 (2)

傷寒雜病論古本



傷寒雜病
論古本



北京中医药大学图书馆版权所有

民國八年四川
成都存古
書局刊印



南京中医药大学图书馆版权所有

傷寒雜病論古本卷一 从千金補

傷寒膏第一

据外台雜療中錄此三門注云論中所要者今据之稱膏散九方發汗三要云○摩膏為仲景

原文膏方亦出仲景預為膏丸散以待病者倉卒之用邪在皮毛即以此治之故可不用湯汗吐下三法中乃言湯翼

本从太陽六經起乃傷寒古本之中卷此本為首卷成本但据翼本六經不載此首卷故仲景論與汗吐下例皆無

人習之今以此卷為首學者所當先詳

青膏

千金論云夫尋方學之要以救速為貴是以養生之家須預合成熟藥以備倉卒之急按熟藥即謂膏丸散臨時按證施

治乃○按外台雜療白薇散引小品青膏引千金度障神丹引崔氏麥奴引古今錄驗皆在弟一卷共五方治傷寒

頭痛項強四肢煩疼方

此方 麗朱有

當歸

芎藭

蜀椒

白芷

附子

烏頭

莽草

吳茱萸

各三兩

右八味以咀以醇苦酒漬之再宿以猪脂四斤煎令藥色黃絞

去滓以溫酒服棗核大三枚日三服取汗不知稍增可服可摩

古法摩膏今世不傳千金九卷所云如初得風寒一日苦頭痛

背強即方下所注之病此方用熱藥真寒也宜摩之佳病初在皮毛易治膏散九預製以待之則不用湯藥

重劑此即世補齋不謝方之意

黃膏 治傷寒赤色頭痛項強與青膏同賊風走風方按外台黃膏方引出范汪此係

外台通例凡後師常用者即引後師之名不必盡溯其源仲景方列他名者甚多固不獨此方也

大黃 附子 細辛 乾薑

蜀椒 桂枝各半兩巴豆五十枚

右七味藥有熱有寒咬咀以醇酒漬一宿以臘月猪脂一斤煎之調

適其火三上三下藥成傷寒赤色發熱酒服梧子大一枚治正又

以火摩身數百過兼治賊風絕良風走肌膚由風所在摩之神

效兼治襍病千金不傳此趙泉方也龔氏時行寒疫引○案此卷方為翼本所無

白膏此方用熱治傷寒頭痛向火摩身體酒服如杏核一枚溫覆取汗

摩身當千過法摩膏藥力乃行并治惡瘡兼治瘡瘍小兒頭瘡牛領馬鞍

并治獸病皆治之先以鹽湯洗瘡以布拭之傳膏癰腫火炙摩千過日

再自消者方病源云諸陽在表表始受病在皮膚之間故可摩膏而愈傷寒天行溫熱四卷同有摩膏語仲景古法故

病源祖之以治外證○外台襍療三膏青黃白如三統法○第二方

天雄 烏頭 莽草 羊躑躅各三兩

右四味咬咀以苦酒三升漬一宿作東向露竈又作十二聚濕

土各一升許大取成煎猪脂三斤著銅器中加竈上炊以葦薪

令釋內所潰藥炊令沸下著土聚上沸定復上如是十二過令

土盡遍藥成去滓傷寒咽喉痛含如棗核一枚日三摩時令勿

近目近目恐傷目○以膏散丸三例分不詳六經

發汗散第二原作第四○發汗一曰膏二曰散三曰丸不解乃用湯故此三汗在前汗吐下三

例在後首尾相啣不詳六經之別

度障發汗青散

治傷寒赤色惡寒發熱頭痛項強體疼方

案膏散丸

外台注云爲論中所要者千金卷末江南諸師秘仲景要方不傳者卽指此翼本由中部起無首三卷也○外台卷一引作傷寒一

日至三日可發汗

麻黃

三兩半

桔梗

細辛

防風

吳茱萸

白朮

各一兩

烏頭

乾薑

蜀椒

桂心

各一兩六銖

○外台辟溫度障散有升麻附子防已無茱萸

右十味

藥多熱真寒也

治下篩溫酒服方寸匕溫覆取汗汗出止若不

得汗汗少不解復服如法若得汗足如故頭痛發熱此爲內實

當服駛鼓圓

在此卷下法中九味者是也

若藿氏圓如得便頭重者可以二

大豆許內鼻孔中覺燥涕出一日可三四度必愈兼辟時行病

五苓散

主時行

異氣

熱病

四時正病

但狂煩燥不安精彩言語不與人

相主當者方

因用散故入此

○總例仲景華陀條同此方翼本有



猪苓

白朮

茯苓

各十銖桂心

十二銖澤瀉

右五味治下篩水服方寸匕日三多飲水汗出即愈

龐氏時行寒疫并治

崔文行解散

治時氣

不和傷寒

發熱者方

外台雜療第三

桔梗

細辛

各四兩白朮

八兩烏頭

炮一斤

右四味治下篩若中傷寒服錢五匕覆取汗解若不覺復小增

之以知為度若時氣不和旦服錢五匕辟惡氣欲省病者服一

服皆酒服

龐氏時行寒疫引文多於此

六物青散

治傷寒

勅色惡寒方

勅同赤外台雜療第四方

附子

白朮

各一兩六銖

防風

細辛

各一兩十八銖

桔梗

烏頭

各三兩十八銖

右六味治下篩以溫酒服五匕不知稍增之服後食頃不汗出

者進溫粥一杯

桂枝服粥為發汗總方節度

以發之

與不可與大青溫覆取

汗漿漿可也勿令流離勿出手足也汗出止若汗大出不止者

溫粉粉之微者不須粉不得汗者當更服之外台卷二桂枝湯節度云汗出自護

如服六物青散治指此而言得汗而不解者當服神丹圓方出下篇發汗丸門

青散 治春傷寒頭痛發熱方春字疑衍

苦參 厚樸 石膏各三 大黃

細辛各二兩 麻黃五兩 烏頭五枚

右七味治下篩覺傷寒頭痛發熱以白湯一升半和藥方寸匕

投湯中熱訖去滓盡服覆取汗汗出溫粉粉之良久一服不除

宜重服之或當微下利者有大黃故也

詔書發汗白薇散 治傷寒三日不解者方外台卷一引入小品首方

白薇十二銖 杏仁 貝母各十銖 麻黃一兩八銖

右四味治下篩酒服方寸匕自覆汗出即愈龐氏時行寒疫引



華陀赤散

治時氣傷寒頭痛身熱腰背強引頸及中風口噤治

瘧不絕婦人產後中風寒經氣腹大方

案此共十八味病源解寒食散論華氏方多簡單不

如仲景重複据史傳所記言之非通論也

丹砂

十二銖

蜀漆

乾薑

細辛

蜀椒

沙參

防己

桂心

茯苓

人參

黃芩

桔梗

女萎

烏頭

各十銖

雄黃

二十銖

吳茱萸

三十銖

四銖

麻黃

代赭

各二兩半

右十八味

龐氏十九味蜀漆常山并見恐重此味

治下篩酒服方寸匕日三

度不

同耐藥者二匕覆令汗出欲治瘧先發一時所服藥二匕半以

意消息之細辛薑桂丹砂雄黃不熬餘皆熬之

龐氏時行寒疫引

赤散

治傷寒頭痛項強身熱要脊痛往來有時方

乾薑

防風

沙參

細辛

白朮

人參

蜀椒

茯苓

麻黃

黃芩

代赭

桔梗

吳茱萸

各一兩

附子

二兩

右十四味治下篩先食酒服一錢匕日三

烏頭赤散

治天行疫氣病方

治天行疫氣方亦雜傷寒中此傷寒本佚當補

烏頭

半兩

皂莢

半兩

雄黃

細辛

桔梗

大黃

各一兩

右六味治下篩青酒若井花水服一刀圭日二不知稍增以知

爲度除時氣疫病若牛馬六畜中天行疫亦可與方寸匕人始

得病一日時服一刀圭取兩大豆許吹著兩鼻孔中

龐氏時行寒疫引○

外台雜療引七味赤散與此小異



水解散

治天行頭痛壯熱一二日方

取解肌之義外台天行門引延年有此方

桂心

甘草

大黃

各二兩 麻黃

右四味治下篩患者以生熟湯浴訖以暖水服方寸匕日三覆

取汗或利便瘥力强人服二方寸匕

延年秘錄有黃連芍藥各二兩古今錄驗無甘草有

芍藥治天行熱病生庖瘡疼痛解肌出汗

治時病表裏大熱欲死方

病源外台皆詳天行時氣治法仲景首論有其文

大黃

寒水石

芒硝

石膏

升麻

麻黃

葛根

紫葛

右八味等分治下篩水服方寸匕日二

發汗圓第三

方二〇外台一卷引崔氏別陟輦丸古今錄驗還魂九千金未錄〇三原作六案此圓法二方

當與前膏散合爲一類爲汗方三例然後爲湯法之汗吐下三例舊本以此門附汗例之後今移于前宋校所云三百九十三法百二十三方者大抵据翼本立說此卷方證全不入數然則宋校所云非全書數

神丹圓

治傷寒

外台引

惡寒發熱體疼者方

外台卷一引 崔氏更有發

汗二

附子

烏頭

各四兩

人參

茯苓

半夏

各五兩

朱砂

一兩

右六味末之密丸以真丹為色先食服如大豆二丸生薑湯下

日三須與進熱粥二升許

汗劑進熱粥乃通例

重覆汗出止若不得汗汗

少不解復服如前法若得汗足應解而不解者當服桂枝湯此

藥多毒熱者令飲水寒者溫飲解之病異方同寒熱服法治瘧

先發服二圓

要略用細辛不用人參別有射干大棗一枚名赤圓主寒氣厥逆仲景原方也

麥奴圓

治傷寒

五六日以上不解熱在胸中口噤不能言惟欲

飲水為壞傷寒醫所不能治

以下外台引無

為成死人精魂已竭心下纔

溫以杖撥其口開灌藥咽中藥得下則愈麥奴圓一曰黑奴圓一



曰水解圓

金匱有附方凡非仲景原文者加附字別之餘皆仲景原方也○外台卷一引古今錄驗同卷二又引稱高堂

九一名駐車九藥味小異

釜底墨

梁上墨

竈突墨

麥奴

黃芩

大黃

芒硝

各一兩 麻黃 二兩

右八味末之蜜丸如彈子大以新汲水五合研一丸破漬置水

中當藥消盡服之病者渴欲飲水極意不問升數欲止復強飲

能多飲為善不欲飲水當強飲之服藥須臾當寒寒竟汗出便

解若服藥日移五尺許不汗復服如前法不過再三服佳

外台有微

利以止藥勢盡乃食當冷食以除藥勢

小麥黑勃名麥奴

以上圓法與膏散合為汗法三方脈經汗以後

證即附于後

張仲景曰

千金第

一引補欲療諸病當先以湯蕩滌五藏六府開通諸

脈治道陰陽破散邪氣潤澤枯朽悅人皮膚益人氣血水能淨



北京中医药大学图书馆藏

萬物故用湯也若四肢病久風冷發動次當用散散能逐邪風
氣濕痺表裏移走居無常處者散當平之次當用丸丸藥者能
逐風冷破積聚消諸堅癖進飲食調和榮衛能參合而行之者
可謂上工故曰醫者意也

案此論雜病法與傷寒三法小異

案外臺卷一

如千金九卷

傷寒雜療湯散圓方

當作膏散圓湯字誤

八方目

下題云并是論中所要者論即仲景傷寒本論又考膏方三
散方十二丸方二共十七方今外臺卷一雜療中八方黃膏
白膏崔文行解散青散桂枝二麻黃一湯瓜蒂散七味赤散
雪煎方除桂二麻一湯雪煎二方外餘膏散丸六方并見此
卷中又詔書發汗白薇散引小品青膏引千金發汗度障散
神丹圓瓜蒂散引崔氏又麥奴圓引古今錄驗合前共十三
方皆見千金此卷惟四方不同是外臺一卷與千金九卷同

爲傷寒原文之首秩外臺二卷引傷寒雜病方則與翼九十
兩卷同此爲傷寒中秩三爲天行四爲溫熱雜病則與千金
十卷同知唐初本千金九卷爲首一二三卷翼九十兩卷爲
第三至第十卷千金十卷居其末爲外臺第四卷包金匱在
其中此唐初之古本也

